



Arnach sprach der künig dñles zū sen
debar sinem meister Ich hab din wort
verstanden So du gesagt hast vō der
göttlichen schickung der niemans en
trimnen mag Nun gib mir ein glich
nuß vō gefellen do einr den andern vn
derstat zū betriegen Antwort Sen
debar Es ist gelin ein sew do vil lust
licher wasser in flussen darñ vil visch
entzen waren vñ diser sew woz ferz vō
den lüten vñ dahin vogel vō dem mer
kemē wandel hettē Vff ein zyt kam

dahin ein vogel der land genant holgot/vñ do der die genüchte
des sees vñ lustlicheit der wasser in heimlicheit vñ ferre der lüte
sach / do sprach er zū jm selbs Wer wilt du din wyb vnd gefind
füren zū ewiger wonung irs lebens dan hie mögen wir gnüg
sam vñ lustliche spyß finden zū aller notturfft vñ wirt dise won
ung mir vñ minen kinden zū erb vñ niemans ist mir hie wider
wärtig Nun het er ein wyb die sah uff die zyt in irem nest ob
iren eygern die schier us schliessen solten dise het ein andern vo
gel der ir fruntlich vnd gefellig was der hieß mosam der was ir
vast lieb Also das ir weder essen noch trincken schmacht oder
heimerley kurtzwyl on den vogel vnd do sy hort das fürnemen
irs manns / das woz ir vast widerwärtig vñ wolt dz irem fründ
mit verhelen wie wol ir der man das hatt verbotten het yemas
zū sagen vñ gedacht fünd wie sy vrsach gewinn zū mosam dem
vogel zū kumen / dz sy diser ding hinder irem man anschleg mit
jm tāt vnd sprach zū holgot irem man yetz sind vnser jungen
schier zytig us zū fliegen Nun ist mir gesagt gar vō einr nütz
en artzny vnsern jungen wen sy usfliegen sollen das inen ir ge
fider vast vñ bald starck wachsen werd ouch sol es inen lust ge
lücksällig in ir lebē lang für all böß zufell Wer dir nun gefellig
So wolt ich das süchen / der man sprach woz ist das sy antwort
Es ist ein visch in ein see einr insel die mir gezougt ist vnd dis
weist niemant dan ich vnd von dē es mir gesagt ist Darumb so
sit du die wyl über die eyger an miner statt zū brüten bis ich
widerkum So will ich der visch einen oder zwen bringen die wir
mit vns füren zū dē see da wir hin wöllen Der man sprach Es
gezimpt sich mit einem vernünftigen alles das züersüchen da
uon jm der artzat sagt/dan etwann sagen sy vō dingen die man
mit haben mag vnd zū überkumen vnmüglich oder vast sorglich
fnd dan ich hab oft gehört das ir bücher sagen vō kostlichem
medicament das zū machen sy vō dem vnschljt des löwen vnd